

ՊԱՏՄԱԿԱՆ ԳԻՏՈՒԹՅՈՒՆՆԵՐԻ XIII ՄԻՋԱԶԳԱՅԻՆ ԿՈՆԳՐԵՍՈՒ

1970 թ. օգոստոսի 16—23-ը Մոսկվայում կայացավ պատմական գիտությունների XIII միջազգային կոնգրեսը: Պատմաբանների միջազգային կոնգրեսները հրավիրվում են 1900 թվականից սկսած, իսկ հետպատերազմյան տարիներից՝ սահմանված պարբերականությամբ՝ հինգ տարին մեկ:

Մոսկվայի կոնգրեսի աշխատանքին մասնակցում էր ավելի քան 4000 պատմաբան, աշխարհի մոտ 60 երկրներից: Ի տարբերություն արտասահմանում անցկացվող կոնգրեսների, որոնց մասնակցում են սահմանափակ թվով սովետական գիտնականներ, Մոսկվայի կոնգրեսին մասնակցեցին մոտ 1400 սովետական պատմիչներ, որոնք ներկայացնում էին մեր պատմական գիտություն լավագույն ուժերը: Սովետական պատմիչականության կազմում կոնգրեսի աշխատանքներին մասնակցեցին նաև Հայաստանի մի խումբ պատմաբաններ՝ թվով 25 գիտնական:

Մոսկվայի կոնգրեսն աչքի էր ընկնում իր անթերի կազմակերպվածությամբ: Մի կողմից առանցիակցել էին առավել կարևոր, ընդհանուր հետաքրքրություն ներկայացնող պրոբլեմները, իսկ մյուս կողմից, գրեթե բոլոր պատմիչները հնարավորություն ունեին միաժամանակ մասնակցել նաև իրենց հետաքրքրող հարցերի քննարկմանը:

Բանավեճերին ավելի շատ ժամանակ տրամադրելու և քննարկումների գիտական բարձր մակարդակն ապահովելու նպատակով պատմաբանների XIII կոնգրեսի աշխատանքներն սկզբվելուց կես տարի առաջ զեկուցումների տեքստերը ներկայացվել էին կազմկոմիտեին: Դրանից հետո ազգային կոմիտեների առաջարկած ներկայացուցիչներից ընտրված էքսպերտները, լինելով քննարկվող հարցերի առավել հեղինակավոր մասնագետներ և նախօրոք նախապատրաստվելով, անմիջապես բանավեճ էին ծավալում համապատասխան զեկուցման հանգուցային հարցերի շուրջ: Շատ ժամանակ էր մնում նաև ցանկացողների ազատ բանավեճի համար: Կոնգրեսի աշխատանքների ընթացքն արդարացրեց սովետական կազմկոմիտեի այդ հետաքրքիր նախաձեռնության օգտավետությունը:

Կոնգրեսի թեմատիկայի բաժանման համար հիմք էին ծառայել ժամանակագրական՝ հին, միջնադարյան, նոր և ժամանակակից պատմության շուրջ բաժինները: Բացի այդ, ընտրվել էին

երկու խոշոր թեմաներ, որոնք քննվեցին բաժիններից դուրս և առաջացրին բոլոր երկրների պատմաբանների մեծ հետաքրքրություն: Այդ թեմաներն էին՝ «Պատմությունը և սոցիալական գիտությունները» («Մեթոդոլոգիայի և ենթարածի») և «Նացիոնալիզմը և դասակարգային պայքարը Ասիայի ու Աֆրիկայի արդիականացման պրոցեսում» («Մայրցամաքների պատմության և ենթարածի»):

Կոնգրեսի աշխատանքի օրերին տեղի ունեցան նաև Պատմական գիտությունների միջազգային կոմիտեի ինը ներքին հանձնաժողովների (ազգական համեմատական պատմություն, եկեղեցու համեմատական պատմություն, ժողովրդագրություն, ներկայացուցչական ու պառլամենտական հիմնարկությունների պատմություն, մամուլի պատմություն, քաղաքների պատմություն, համալսարանների պատմություն, մատենագիտություն և պատկերագրություն) և կոմիտեին հարող տասներեք կազմակերպությունների (Մոսկվայի պատմության միջազգային հանձնաժողով, Անվանաբանության կոմիտե, Սլավոնական հետազոտությունների ասոցիացիա, Հռոմի հնագիտության, պատմության և արվեստի ինստիտուտների միություն, Իրավունքի պատմության և իրավական ինստիտուտների ասոցիացիա, Տնտեսական պատմության ասոցիացիա, Աշխարհագրության և պատմության պնամներիկյան ինստիտուտ, Սոցիալական շարժումների և սոցիալական կառուցվածքների պատմության միջազգային հանձնաժողով, Երկրորդ համաշխարհային պատերազմի պատմության միջազգային կոմիտե, Բյուզանդագիտական հետազոտությունների ասոցիացիա, Վերածննդի ուսումնասիրության ընկերությունների և ինստիտուտների ֆեդերացիա, Հարավ-Արևելյան Եվրոպայի ուսումնասիրության ասոցիացիա, Դրամագիտության միջազգային հանձնաժողով) նիստեր, որտեղ քննարկվեցին այդ ճյուղերի կարևոր պրոբլեմները, և որոնց ընթացքում ամրապնդվեցին տարբեր նեղ մասնագիտությունների ներկայացուցիչների գիտական կապերը:

Պատմաբանների XIII միջազգային կոնգրեսի բացման օրը, օգոստոսի 16-ին, Մոսկվայի Կրեմլի համագումարների պալատում ժլենինը և պատմությունը զեկուցումով հանդես եկավ սովետական ակադեմիկոս Ե. Մ. Ժուկովը:

ՍՍՀՄ Մինիստրների սովետի նախագահ Ա. Ն.

կոստիզիների կոնդրոսիին հղած ողջույնը պատգամավորներն ընդունեցին ծափահարությամբ և երգով։ Պատմությունը — ասված է ողջույնի մեջ, — կոչված է ուսումնասիրելու մարդկության անցած դժվարին և բազմաբովանդակ ուղին, սերունդների հարուստ փորձը՝ սոցիալական առաջադիմության, հասարակության առավել կատարյալ կազմակերպման համար։ Պատմության կուտակած լայն գիտելիքները համաշխարհային մշակույթի կարևորագույն արժեքներն են։ Առանց պատմությանը դիմելու հնարավոր չէ ժամանակակից սոցիալական պրոցեսները ճշգրիտ հասկանալ։ Հետազոտելով և ընդհանրացնելով անցյալի փորձը, պատմությունը օգնում է ճանաչել և օգտագործել հասարակական զարգացման օրինաչափությունները՝ ամբողջ մարդկության բարօրության համար։

Կոնդրոսի աշխատանքում հատուկ տեղ գրվեց օդոստոսի 19-ին կայացած սիմպոզիումը՝ նվիրված Վ. Ի. Լենինին, որին մասնակցեց պատվիրակների զգալի մասը։ Քննարկման հիմքում դրված էր Վ. Ի. Լենինը և պատմական գիտությունը՝ իմաստ։ Սիմպոզիումում ելույթ ունեցած պատմաբաններ Պ. Վոլոբուդը, Ի. Գալկինը (ՍՍՀՄ), Ֆ. Մուլին (Հունգարիա), Մ. Օսկերովսկին (Լեհաստան) և ուրիշներ նշեցին Լենինի գաղափարների արմատական նշանակությունն անցյալի ու արդիականության պատմական երևույթների ուսումնասիրության գործում, շեշտեցին, որ Լենինյան գաղափարները նպաստում են միջազգային առաջադիմական շարժումների լայն զարգացմանը։

Կոնդրոսի «Մենդելբերգ» ենթաբաժնի գծով «Պատմությունը և սոցիալական գիտությունները» մեծ թեմայի շուրջը քննարկվեց յոթ զեկուցում՝ «Պատմագիտական մեթոդի և հասարակական գիտությունների մեթոդի տարբերությունը» (Թ. Շիդեր, ԳՅՀ), «Սոցիալական գիտությունների մեթոդը պատմագիտական ուսումնասիրության մեջ» (Բ. Պապադոպուլոս, Կիպրոս), «Պատմությունը, հասարակական գիտությունները և մաթեմատիկայի կիրառումը» (Զ. Հեքստեր, ԱՄՆ), «Պատմությունը և հումանիտար գիտությունները» (Ա. Դյուվուկ, Կանադա), «Պատմական իմացությունը հասարակական գիտակցություն է» (Լ. Էլեքս, Հունգարիա), «Էկզոն և պատմությունը» (Ա. Դյուվուկ, Ֆրանսիա) և «Իրադարձությունների պատմությունը և կառուցվածքների պատմությունը» (Ս. Սեստան, Իտալիա)։

Ջեկուցումների դրույթների շուրջը ծավալվեց աշխարհի բանավեճ. ոմանք բոլորովին ժխտում էին պատմականությունը սկզբունքը, ցանկանալով երևույթները դիտել պատմական կապից և օրինաչափություններից դուրս, իսկ ոմանք

կողմնակից էին անշատել պատմագիտությունը մյուս հասարակական գիտություններից որպես ատուկ գիտություն անցյալի մասին։ Մասնակիցների մեծ ուշադրության արժանացավ թեմայի էքսպերտ, սովետական ակադեմիկոս Լ. Մ. Ժուկովի ելույթը։ Նա պաշտպանեց պատմականության սկզբունքը հասարակական և սոցիալական երևույթների վերլուծության մեջ, նախ և կալ պատմությունը մյուս հասարակական գիտություններին հակադրելու փորձերի դեմ, բանի որ բոլոր հասարակական գիտությունները, այդ թվում և պատմությունը, ունեն ուսումնասիրության նույն օբյեկտը՝ հասարակությունը։

«Մենդելբերգ» ենթաբաժնի երկրորդ խոշոր թեման էր «Իվերը որպես պատմաբանի ինֆորմացիայի տարրեր»։ Ինչպես հայտնի է վերջին տարիներին հասարակական գիտություններն ավելի ու ավելի հաճախ են դիմում վերլուծության այնպիսի միջոցների, ինչպիսին են քանակական մեթոդը, հաշվիչ մեքենաները, սոցիոլոգիական հարցումները։ Կոնդրոսում բարձրացավ այն հարցը, թե որքանով են այդ մեթոդներն ընդունելի պատմական գիտությունների համար։ Սովետական մի խումբ հեղինակներ՝ պրոֆ. Ի. Կովալենկոյի գլխավորությամբ զեկուցում էին ներկայացրել մաթեմատիկական մեթոդները և հաշվիչ տեխնիկան սոցիալ-տնտեսական, պատմա-դեմոգրաֆիկ և հնագիտական ուսումնասիրությունների մի ամբողջ շարք հարցերի լուծման համար օգտագործելու մասին։ Պրոֆ. Ժ. Շենյոբը (Ֆրանսիա) պատմեց, թե ինչպես են էլեկտրոնային հաշվիչ մեքենաների օգնությամբ ուսումնասիրվել Ֆլորենցիայի 1427 թ. համընդհանուր մարդահամարի և ունեցվածքի հաշվառման տվյալները։ Այդ զեկուցումների քննարկումը բուռն բանավեճ առաջացրեց քանակային անալիզի թույլատրելի սահմանների շուրջը, բանի որ պատմագիտական ուսումնասիրություններում ամեն ինչ չէ, որ կարելի է քանակական գնահատության ենթարկել։

Ենթաբաժնի մյուս թեման, որ գրավեց կոնդրոսի մասնակիցների ուշադրությունը, «Կենսագրությունը և գերն ու տեղը պատմագիտության մեջ» հարցն էր։ Ավստրիական մի խումբ գիտնականների «Կենսագրությունը և պատմական գիտությունը», կանադական գիտնական Ա. Վիլսոնի «Կենսագրությունը որպես պատմական հետազոտություն», արևմտա-գերմանական պատմաբան Վ. Խուբաչի «Կենսագրությունը ու ինքնակենսագրությունը» և հոլանդական գիտնական Լ. Գե. Յոնգի «Պատմաբանն ու հարցազրույցը» զեկուցումների շուրջը աշխարհի բանավեճ ծավալվեց։ Մատնանշվեց, որ պատմական խոշոր իրադարձությունները նախ և առաջ զարա-

շրջանի սեփականությունն են և ոչ թե լուկ վերաբերում են այս կամ այն գործի գործունեությանը և որ անհրաժեշտ է որոշակիորեն սահմանազատել այն անձնավորությունների շրջանակը, որոնց կենսագրությունն արժանի է գրելու: ՍՍՀՄ և սոցիալիստական երկրների գիտնականների ելույթներում մասնավորապես նշվեց հեղափոխական գործիչների կենսագրությունների կարևոր գերը պատմական ժամանակաշրջաններն ու իրադարձությունները հազեցված ու ճշգրիտ վերաբերողներն էլ համար:

Խոշոր թեմաներ էին դրվել «Մայրցամաքների պատմությունը» ենթաբաժնի գծով: Նիստի առաջին օրը նվիրված էր «Նացիոնալիզմը և դասակարգային պայքարը Ասիայի ու Աֆրիկայի արդիականացման պրոցեսում» թեմային: Առավել մեծ հետաքրքրություն առաջացրին Ա. Պալառտի («Չեխոսլովակիա») «Որակական փոփոխություններ ասիական երկրների զարգացման ասպարեզում» երկրորդ համաշխարհային պատերազմից հետո» և Վ. Մարկովի («ԳԴՀ») «Պետությունների առաջացման ուղիներն ու ձևերը Ասիայում և Աֆրիկայում» երկրորդ համաշխարհային պատերազմից հետո» զեկուցումները: Զեկուցողների և ելույթ ունեցողների կարծիքը համընկավ այն հարցում, որ անդառնալիորեն անցյալի գիրկն են անցել այն ժամանակները, երբ աշխարհը խստորեն բաժանված էր կառավարող «սպիտակների» և նրանց ենթակա «գունավորների» միջև: Այժմ Ասիայի և Աֆրիկայի պետությունները հանգես են գալիս որպես իմպերիալիստական աշխարհակարգի հաղթահարման համաշխարհային պրոցեսի անբաժանելի բաղկացուցիչ մասեր: Դրա համար էլ, թեև շատ բան ճշգրտման ու մանրամասների կարիք ունեն, այդ պետությունները մեր ժամանակաշրջանի այն ուժերից են, որոնք վճռում են ապագայի բախտը:

«Մայրցամաքների պատմությունը» ենթաբաժնի մյուս խոշոր թեմաներն էին «Լատինական Ամերիկայի տեղը XIX և XX դդ. համաշխարհային պատմական պրոցեսում» և «Սահմանամերձ հողերի դերը մայրցամաքների պատմության մեջ»: Վերջին թեմայի կապակցությամբ մեծ բանավեճ ծավալվեց կանադական գիտնական Ռ. Կուկի «Սահմանները և մետրոպոլիան. Կանադայի փորձը զեկուցման շուրջը: Մտքերի փոխանակությանը մասնակցած սովետական գիտնականներ Գ. Դախլեյզերը, Վ. Տիշկովը, Ա. Պրեբորաժենսկին, Ն. Ապոլովան, Ե. Դրուժինին և ուրիշները ցույց տվեցին ռուսական գաղութացման սկզբունքային տարբերությունը ամերիկյան գաղութացումից, քանի որ Ռուսաստանն ունեցել է աշխարհագրական միասնություն և նախնական երկարատև շփումներ Սիբիրի, Ղաղախստանի, Միջին Ասիայի, Անդրկով-

կասի ժողովուրդների հետ, իսկ այդ շրջանները Ռուսաստանին միացնելու ընթացքում տեղի է ունեցել ռուս և տեղական բնակչության մերձեցում, ընդ որում, վերջինը Ռուսաստանին միանալով հաճախ փրկվում էր ֆիզիկական ոչնչացման վտանգից:

Հետաքրքիր անցան ժամանակակից պատմությանը բաժնի աշխատանքները, որ քննարկման էր դրված երկու զեկուցում. «Գաղափարական հոսանքները Հարավ-Արևելյան Եվրոպայում XIX—XX դդ., մինչև առաջին համաշխարհային պատերազմը» (Խ. Խրիստով, Բուլղարիա) և «Եվրոպական տերություններն ու Բալկանները XX դ. սկզբին (1900—1914 թթ.)» (Դ. Զոգրաֆսկի, Հարավսլավիա):

Հիշյալ զեկուցումներում և դրանց շուրջ ծավալված մտքերի փոխանակությանը մասնակցեցին 30-ից ավելի պատմաբաններ, առաջ քաշվեցին մի շարք կարևոր, հանգուցային հարցեր, որոնցից կարևորներն էին հատկապես հետևյալ երեք հարցը.

1. Սոցիալական և սոցիալ-ազատագրական շարժումների հատուկ բնութագրման խնդիրը:

Պրոֆեսոր Խ. Խրիստովն իր զեկուցման մեջ, ելնելով այն փաստից, որ Հարավ-Արևելյան Եվրոպայի ժողովուրդներն իրենց ազգային-ազատագրական ու հակաֆեոդալական պայքարում ունեին ընդհանուր թշնամիներ՝ հաքսուրգների կայսրությունը և օսմանյան բռնապետությունը, փորձ էր արել գծելու այդ պայքարի ընդհանուր պատկերը՝ բալկանյան բոլոր երկրների համար առաջարկելով մի ընդհանուր պարբերացում, այն է. առաջին ժամանակաշրջանը՝ XIX դ. սկզբից մինչև 70-ական թվականները, երկրորդ ժամանակաշրջանը՝ 70-ական թվականների վերջից մինչև առաջին համաշխարհային պատերազմը և Հոկտեմբերյան հեղափոխությունը, ըստ որում, սրանցից յուրաքանչյուրը նրա կարծիքով, կարելի է բաժանել հետևյալ երկու ենթաժամանակաշրջանների. ա) XIX դ. սկզբից մինչև 1848 թ. բուրժուա-դեմոկրատական հեղափոխությունն ու Ղրիմի պատերազմը և հետո՝ Ղրիմի պատերազմից մինչև 1877—78 թթ. ռուս-թուրքական պատերազմը, և բ) 70-ական թվականների վերջից մինչև XIX դ. վերջը և այնուհետև XX դ. սկզբից մինչև առաջին համաշխարհային պատերազմը և Հոկտեմբերյան մեծ հեղափոխությունը: Առաջին ժամանակաշրջանում ձևավորվում է ազգային-ազատագրական շարժման գաղափարախոսությունը և ծավալվում է հակաֆեոդալական ու ազգային-ազատագրական պայքարը, իսկ երկրորդ ժամանակաշրջանը բնորոշվում է բուրժուազիայի տիրապետության հաստատմամբ և հեղափոխական բանվորական շարժման սկզբնավորմամբ: Հակաֆեոդալական,

ազգային-ազատագրական զաղափարախոսությունը ձևավորվելու և զարգացելու է ամենից առաջ ֆրանսիական մեծ հեղափոխության, ինչպես նաև 1848 թ. հեղափոխական շարժումների ու Փարիզի կոմունայի ազդեցության տակ, իսկ 60—70-ական թվականների հեղափոխական դեմոկրատիզմը՝ ուսումնասիրության և գիտականության հեղափոխական դեմոկրատիզմի ու սոցիալիստ-ուսումնասիրության զաղափարների ազդեցությամբ, 80-ական թվականներից արդեն, բոլոր պրոֆ. հրիստովի, գիտական սոցիալիզմի զաղափարներն են ներթափանցում և արագ տարածվում Բալկաններում:

Գնահատելով պրոֆ. հրիստովի կատարած հսկայական աշխատանքը բալկանյան մի շարք երկրների նոր պատմության հանգուցային հարցերի լուսաբանման գործում, ելույթ ունեցողներինց շատերը մատնանշեցին, միաժամանակ, որ դժվար է տալ ազգային-ազատագրական շարժումների զարգացման մի ընդհանուր պարբերացում՝ բոլոր երկրների համար, քանի որ, ընդհանուր մի շարք գծերի հետ մեկտեղ, դոկտրինան ունի բազմաթիվ առանձնահատկություններ այդ երկրների ու նրանց ժողովուրդների պատմական զարգացման մեջ: Նշվեց նաև, որ անհրաժեշտ է առավել հստակ ու որոշակի բնութագրել հեղափոխական-դեմոկրատական շարժման էությունը Բալկաններում և բացատրել, որ սոցիալական ազատագրության հարցը, ըստ էության, մինչև XIX դ. վերջը երկրորդ պլանի վրա էր, որովհետև բալկանյան ժողովուրդներն առաջին հերթին ձգտում էին թոթափել օսմանյան դարավոր լուծը և հասնել ազգային անկախության:

2. Հարավ-Արևելյան Եվրոպայի ժողովուրդների ազատագրության հարցում Արևմտյան տերությունների ու Ռուսաստանի դերի քննարկման խնդիրը:

Այս հարցին անդրադարձան ինչպես պրոֆ. հրիստովի, այնպես էլ պրոֆ. Դ. Զոգրաֆսկին: Հարավսլավական և լեհ որոշ պատմաբաններ (Զոգրաֆսկի, Պետրովիչ, Սկոբրոնեկ և ուրիշներ) այն կարծիքը հայտնեցին, որ պրոֆ. հրիստովը մի փոքր թերահամահատել է Արևմուտքի, մասնավորապես, Ֆրանսիայի դերը բալկանյան ժողովուրդների ազատագրման գործում և, ընդհակառակը, գերահաստատել ցարական Ռուսաստանի դերը, որն իսկապես նշանակալից է եղել, սակայն ազատագրված բալկանյան երկրները ցարիզմի դաժան քաղաքականության հետևանքով չըջվում էին նաև դեպի Արևմուտք, ձգտում էին ամրապնդել իրենց կապերը արևմտյան տերությունների հետ:

3. Օսմանյան կայսրության բոլոր ճնշված ժողովուրդների անկախության համար մղած

դարավոր պայքարի համատեղ ուսումնասիրման խնդիրը:

Այս հարցին իրենց ելույթներում անդրադարձան բուլղարական ու հարավսլավական մի շարք պատմաբաններ, մատնանշելով, որ երեք դարից ավելի սուլթանական դաժան լծի տակ հեծող 11 ժողովուրդների պատմական բախտն անհրաժեշտ է հետազոտել համակողմանի՝ պատմաբանների միասնական, համագործակցված ջանքերով:

Այս հարցին առավել հանգամանորեն անդրադարձավ իր ելույթում սովետական պատմաբան, ակադեմիկոս Մ. Պ. Աղայանը, որը մատնանշեց, որ բալկանյան ժողովուրդների ազատագրական պայքարը միշտ էլ արձագանք է գտել հայ ժողովրդի, ինչպես նաև արաբների ազգային-ազատագրական շարժումների մեջ, ուստի ճիշտ չի վարվել պրոֆ. Զոգրաֆսկին՝ բալկանյան ժողովուրդների մղած պայքարը մեկուսացնելով Օսմանյան կայսրության բոլոր կնիքավոր ժողովուրդների ազատագրական շարժումներից, և հատկապես հայ ժողովրդի դարավոր պայքարից: Մինչդեռ նշված պրոբլեմի հետազոտությունը ցույց է տալիս, որ ճնշված բոլոր ժողովուրդների պայքարը կազմել է մի միասնական շղթա ընդհանուր թշնամու դեմ մղված դարավոր պայքարում: Նա մի շարք փաստեր բերեց բալկանյան ժողովուրդների պայքարին հայերի մասնակցության վերաբերյալ և հատկապես նշեց 1912 թ. Բալկանյան առաջին պատերազմի ժամանակ հայկական ջոկատների մասնակցությունը Անդրանիկի գլխավորությամբ՝ բուլղարական բանակի կազմում: Այդ ջոկատի հերոսական պայքարը բարձր գնահատականի արժանացավ բուլղարական կառավարության կողմից: Այնուհետև, Մ. Պ. Աղայանը կանգ առնելով հայ ժողովրդի ազգային-ազատագրական պայքարի հարցերի վրա, մատնանշեց, որ թեև ճնշված ժողովուրդների ճակատագրերը շատ ընդհանրություններ ունեն, սակայն պատմական պայմաններն այն ժամանակ թույլ չէին տալիս ստեղծելու մի միասնական ճակատ՝ ընդհանուր թշնամու դեմ: Այդպիսի միասնական ճակատի բացակայության պատճառով էր, որ երիտթուրքական կառավարողները հնարավորություն ստացան, օգտագործելով պատերազմական իրավիճակը և իմպերիալիստական մեծ տերությունների փարիսեցիական ու խարդախ դիրքորոշումը հայկական հարցում, իրականացնել վաղօրոք մշակված ցեղասպան քաղաքականությունը հայ ժողովրդի պատմական հայրենիքում՝ Արևմտյան Հայաստանում: Պրոֆ. Դ. Զոգրաֆսկին իր պատասխան խոսքում գոհունակությամբ ընդունեց այդ դիրքորոշումը և նշեց հայ ժողովրդի դերը ճնշված ժողովուրդների՝ օսմանյան լծի դեմ մղած

պայքարում: Քննարկվող պրոբլեմի համակողմանի ուսումնասիրության անհրաժեշտությունն ընդգծվեց ոչ միայն վերոհիշյալ բաժնում, այլև կոնգրեսի ժամանակ կայացած Հարավ-Արևելյան Եվրոպայի հետազոտությունների միջազգային ասոցիացիայի հերթական նիստում: Այդ մասին իրենց ելույթներում խոսեցին Լեհաստանի, Ֆրանսիայի, Բուլղարիայի, Հունաստանի ներկայացուցիչները: Մասնավորապես, նշվեց, որ հատուկ ուսումնասիրության առարկա կարող են դառնալ հետևյալ երկու թեմաները. «Բալկանյան երկրների քաղաքական միավորման միջոցները աղատագրական պայքարում XVIII—XX դդ.» և «Եվրոպական գործիչների մասնակցությունը ազգային-ազատագրական շարժումներին Բալկաններում XIX դ.»:

Նոր պատմության բաժնի նիստերը հիմնականում նվիրված էին Եվրոպայի XVI—XVII դդ. պատմության ինդիվիդուալներին:

Սովետական, մասնավորապես նաև հայ պատմաբանների համար մեծ հետաքրքրություն են ներկայացնում այն խնդիրները, որոնք քննարկվեցին Վիեննայի բաժնում: Հարկ է նշել հատկապես Ն. Ֆրիդլանդի (Հարավսլավիա)՝ «Բալկանների և Միջերկրածովյան երկրների տնտեսությունը XV—XVI դդ.», Զ. Ուդալցովայի և Ե. Գուտնովայի (ՍՍՀՄ)՝ «Եվրոպայի երկրներում ֆեոդալիզմի ծագման պրոբլեմները», Գ. Շեկելի (Հունգարիա)՝ «Ֆեոդալական հասարակարգի զարգացման պատմական ուղիները և միջնադարյան հասարակության տարբերակները», Ֆ. Դվորնիկի (ԱՄՆ)՝ «Հունական և արևմտյան եկեղեցիների դերը Արևելքում միջին դարերում», Շ. Վերլինդենի (Բելգիա)՝ «Առևտուրը Սև ծովի վրա սկսած բյուզանդական ժամանակներից մինչև Թուրքիայի կողմից ճգնաժամի դարձումը», Պ. Մոնտավեստի (Իսպանիա)՝ «Մահմեդականությունը և քրիստոնեությունը Միջերկրածովյան երկրների էկոնոմիկայում վաղ միջնադարի ժամանակաշրջանում» զեկուցումները և այլն:

Օդոստոսի 20-ին միջնադարի բաժնի նիստում, ամերիկյան դիտնական Ֆ. Դվորնիկի «Հունական և արևմտյան եկեղեցիների դերը Արևելքում միջին դարերում» զեկուցման քննարկման ժամանակ ելույթ ունեցավ ՀՍՀՄ ԳԱ թղթակից-անդամ Բ. Ն. Աղաբեյլանը: Նա ընդգծեց, որ, խոսելով քրիստոնեության տարածման և միսիոներների հաջողության կամ անհաջողությունների մասին, առաջին հերթին պետք է բացահայտել դրանց սոցիալ-տնտեսական և քաղաքական պատճառները: Այդ տեսակետից Հայաստանի օրինակը բնորոշ է: Մյուս բոլոր երկրներից Հայաստանն առաջինը քրիստոնեությունն ընդունեց որպես պետական կրոն (301—

303 թթ.), բանի որ ֆեոդալական հարաբերությունների ծնունդն այդ ակտի սոցիալ-տնտեսական հիմքը հանդիսացավ: Մյուս կողմից, քրիստոնեության ընդունմամբ Հայաստանը զաղափարապես տարանջատվեց Սասանյան իրանից, որը խոշոր քաղաքական նշանակություն ունեցավ հայ ժողովրդի հետագա պատմության համար: Արևելքում քրիստոնեության հետագա տարածման անհաջողությունը բացատրվում է այնտեղ ստեղծված իրադրությամբ, ինչպես և բյուզանդական կայսրության քայքայման ազդեցությամբ. այսինքն, դարձյալ եկեղեցու պատմության հիմքում ընկած էին ամենից առաջ քաղաքական և սոցիալական պատճառները:

Հին պատմության բաժնում քննարկվեց 13 զեկուցում, որոնցից որպես կենտրոնական առանձնացված էր իտալացի պատմաբան Պիերո Տրեվիսի զեկուցումը՝ «Քաղաքական հավասարակշռության պրոբլեմը դասական անտիկ շրջանում»: Զեկուցման մեջ դիտարկված էին Աթենքի մենաշնչի Պարսկաստանի և Հունաստանի, Աթենքի և Սպարտայի, հելենիստական երկրների, Հռոմի և Պարթևստանի, Հռոմի և գերմանական ցեղերի և այլ հակամարտ քաղաքական ուժերի փոխհարաբերությունը: Հեղինակի արած կարևոր ու հետաքրքրական դիտողությունների հետ մեկտեղ ակնհայտ էր զեկուցման այժմեական ուղղվածությունը:

Մյուս զեկուցումներից հետաքրքրություն առաջացրին ֆիննական գիտնական Մակկոնենի զեկուցումը՝ ծառերի մասին մեր նախնիների ունեցած գիտելիքների վերաբերյալ և անգլիացի դիտնական Բրուքստոնի՝ «Բախումը և շարունակականությունը հին Մերձավոր Արևելքում» զեկուցումը, որտեղ հեղինակը ձգտում էր տեսականորեն իմաստավորել, մի կողմից, պայքարի ու բախման, մյուս կողմից՝ խաղաղ հաջորդակցական զարգացման նշանակությունը մարդկության պատմության մեջ:

Սովետական պատմաբանների ներկայացրած երկու զեկուցումներից մեծ ուշադրության արժանացավ Ս. Ուտչենկոյի և Ի. Դյակոնովի համատեղ կազմած զեկուցումը «Հին հասարակությունների սոցիալական ստրատիֆիկացիան» թեմայով: Այստեղ հետաքրքրական փորձ էր արված սոցիալական կառուցվածքի առումով դտնել այն ընդհանուրը, որ միավորում է հին Արևելքը և հունա-հռոմեական իրականությունը: Եղրակացությունն այն էր, որ ըստ երևույթին երկու քննարկած դասակարգերի փոխարեն (ստրուկ-ստրկատերեր), հին աշխարհում եղել է երեք դասակարգ. ա) արտադրամիջոցների տեր և շաշխատող (բուն շահագործող դասակարգեր), բ) արտադրամիջոցների տեր և աշխատող (հիմնականում՝ աղատ գյուղացիու-

թյուն), դ) արտադրամիջոցներից ղուրկ և աշխատող (ստրուկներ և նրանց հարող շերտեր): Ելույթ ունեցողները մի շարք լրացումներ ու գիտողություններ արեցին ղեկուցման թեզերի վերաբերյալ:

Մեծ հետաքրքրություն առաջացրեց նաև ճապոնացի պատմաբան Մասաո Մորիի ղեկուցումը «Մոնղոլիայի բուլղոսների հին պետության քաղաքական կառուցվածքը» թեմայով:

Նշանակալի տեղ էին դրավում Պատմական գիտությունների միջազգային կոմիտեի ներքին հանձնաժողովների և կոմիտեին հարող կազմակերպությունների նիստերը: Հատկապես հետաքրքիր անցան Սլավոնական հետազոտությունների միջազգային ասոցիացիայի (քննեց՝ «Քաղաքը և նրա դերը ազգային գիտակցության զարգացման գործում» թեման), Տնտեսական պատմության միջազգային ասոցիացիայի (քննեց՝ «Սեփականության ձևերը ֆեոդալական հասարակությունում և կապիտալիզմի առաջացումը» թեման), Բյուզանդագիտական հետազոտությունների միջազգային ասոցիացիայի (որն իր նիստերը նվիրեց «Բյուզանդիան և Ռուսաստանը XI—XV դդ. պրոբլեմին») աշխատանքները:

Առավել խոշոր էին Սոցիալական շարժումների և սոցիալական կառուցվածքների պատմության միջազգային հանձնաժողովի և Երկրորդ համաշխարհային պատերազմի պատմության միջազգային կոմիտեի քննարկած պրոբլեմները: Հանձնաժողովը քննարկման էր ներկայացրել «Գյուղացիական շարժումների ուսումնասիրությունը ժամանակակից աշխարհում (XVIII դ. վերջից մինչև մեր օրերը)» թեմայով ֆրանսիական գիտնականների համատեղ ղեկուցումը: Կոմիտեն իր նիստում քննեց սովետական, գերմանական ու անգլիական պատմաբանների մի քանի ղեկուցումներ, որոնք միավորված էին «Ուշխառավորական զանգվածները երկրորդ համաշխարհային պատերազմի ընթացքում» թեմայի սուկ: Ներկաների վրա մեծ տպավորություն գործեց սովետական նշանավոր գորահրամանատար, Սովետական Միության մարշալ Ի. Ս. Կոննի ելույթը: Նա նշեց, որ մարդկության ճակատագիրը ուղղման պատմաբաններից պահանջում է ամբողջ խորությամբ բացահայտել պատերազմի ակունքները, պատմական գրականության մեջ տալ դեպքերի ճշմարիտ արտացոլումը, կատարել խորը եզրակացություններ, սերունդներին ասել ճշմարտությունը նրանց

մասին, ովքեր կանգնել են մահվան դիմաց՝ պաշտպանելով ազատասեր մարդկության շահերը:

Կոնգրեսում կարգացված ղեկուցումների գերակշռող մեծամասնությունը բարձրացնում էին արդի պատմագիտության առջև այսօր ծառացած կարևոր պրոբլեմները: Բոլոր ղեկուցումների շուրջ աշխույժ ու բովանդակալից բանավեճ էր ծավալվում: Քննարկումներին ընդհանուր առմամբ մասնակցեց ավելի քան 600 մարդ: Այդ ֆոնի վրա հատկապես անախորժ տպավորություն էին թողնում կապիտալիստական երկրների պատմաբանների առանձին ելույթներ, որոնք ոչ այնքան գիտական, որքան քաղաքական բանավեճ բորբոքելու նպատակ էին հետապնդում: Դրանց թվին պետք է դասել, օրինակ, ամերիկյան պատվիրակ Ռ. Փայֆսի «Ռուսական պահպանողականությունը XIX դ. երկրորդ կեսին» ղեկուցումը, որը կառուցված էր սուբյեկտիվ կոնցեպցիաների վրա և հավակնում էր էժան սենսացիա առաջացնել:

Օդոստոսի 23-ին, Կոնգրեսի եզրափակիչ պլենար նիստում լսվեց ՍՍՀՄ ԳԱ թղթակից-անդամ Վ. Լազարևի «Միջնադարյան Ռուսիայի արվեստը և Արևմուտքը (XI—XV դդ.)» ղեկուցումը:

Մեծ հետաքրքրություն առաջ բերեց Կոնգրեսի օրերին գործող պատմական դրականության ցուցահանդեսը, որին վերջին տասը տարիներին լույս տեսած իրենց հրատարակություններն էին ներկայացրել շուրջ 30 երկրների պատվիրակություններ: Սովետական պատմագիտական գրականության շարքում առաջին անգամ լայնորեն ցուցադրված էր Սովետական Միության բազմազգ լեզուներով լույս տեսած գրքերը: Դրանց պատմաբանները ծանոթանում էին մեծ հետաքրքրությամբ:

Կայացավ նաև Պատմական գիտությունների միջազգային կոմիտեի ասամբլեայի նիստը, որտեղ հետագա հնգամյա ժամկետի համար ՊԳՄԿ-ի պրեզիդենտ ընտրվեց սովետական ակադեմիկոս Ա. Ա. Գուբերը:

Պատմական գիտությունների XIII միջազգային կոնգրեսը նպաստեց տարբեր երկրների գիտնականների համագործակցության ընդլայնմանը՝ նրանց առջև դնելով պատմական գիտությունների հետագա զարգացման հրատապ խնդիրը՝ հանուն խաղաղության և մարդկության սոցիալական առաջադիմության: